



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __. __. 2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na __. sjednici održanoj dana __. __. 2023. godine, primilo je k znanju

Informaciju pregledu stanja i realiziranim aktivnostima planiranim u Strategiji razvoja Grada 2021.-2027., dio 6. Grad čuvar, za marginalizirane skupine

PREDSJEDAVALAČI GRADSKOG VIJEĆA

Jasmin Ademović





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O PREGLEDU STANJA I REALIZIRANIM AKTIVNOSTIMA PLANIRANIM U
STRATEGIJI RAZVOJA GRADA 2021.-2027., DIO 6. GRAD ČUVAR, ZA
MARGINALIZIRANE SKUPINE

Predlagač: Gradonačelnica

Obrađivači: Gradska služba za lokalno poslovanje
Gradska služba za obrazovanje, sport,
kulturu i mlade

Sarajevo, decembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Programom rada Gradskog vijeća Grada Sarajeva za 2023. godinu programirana je tema Informacija o pregledu stanja i realiziranim aktivnostima planiranim u Strategiji razvoja Grada 2021.-2027., dio 6. Grad čuvar, za marginalizirane skupine.

Iako socijalna politika nije u izvornoj nadležnosti Grada Sarajeva, strateški cilj jeste da Grad Sarajevo bude čuvar, grad koji štiti ugrožene i nemoćne, čuvar mira i pravde, zaštitnik manjina i glas potlačenih, zaštitnik onima kojima je potrebna pomoć za napredak kao što su mladi.

Informacija sadrži pregled implementiranih aktivnosti i stanja planiranih u Strategiji razvoja grada 2021.-2027., dio 6. Grad čuvar, kako slijedi:

SC 6. GRAD ČUVAR

PRIORITET 6.2. Zaštita socijalo ugroženih

Mjera 6.2.2. Jednokratne pomoći stanovnicima u stanju socijalne potrebe

Mjera 6.2.3. Saradnja s Udruženjem penzionera i realizacija projekata za tu populaciju

Mjera 6.2.2. Jednokratne pomoći stanovnicima u stanju socijalne potrebe

Shodno Strategiji razvoja Grada Sarajeva 2021.-2027. godine, Grad Sarajevo se obavezao nastaviti izdvajati sredstva za jednokratne pomoći stanovnicima Sarajeva koji su u stanju socijalne potrebe. Izvršena je izmjena propisa u ovoj oblasti kako bi se novac dijelio na transparentniji i pravedniji način. Tako je u 2022. godini donesen Pravilnik o dodjeli jednokratne novčane pomoći licima koji su teški socijalni slučajevi, za potrebe liječenja i nabavku ortopedskih i drugih medicinskih pomagala („Službene novine Kantona Sarajevo“, broj 9/22).

U Budžetu Grada Sarajeva za 2023. godinu („Službene novine Kantona Sarajevo“, br. 2/23 i 46/23) planirana su sredstva na poziciji – 614 200 – Tekući transferi pojedincima – pomoć u teškim socijalnim slučajevima, u iznosu od 30.000,00 KM.

Mjera 6.2.3. Saradnja s Udruženjem penzionera i realizacija projekata za tu populaciju

Shodno Strategiji razvoja Grada Sarajeva 2021.-2027. godine, Grad Sarajevo se obavezao podržavati udruženja koja okupljaju osobe treće životne dobi s područja gradskih općina i finansijski podržati njihov rad, a koji za cilj imaju poboljšanje životnog standarda penzionera, odnosno osoba treće životne dobi u Sarajevu.

Uzimajući u obzir značaj centara za zdravo starenje koji okupljaju ovu populaciju, u Budžetu Grada Sarajeva za 2023. godinu („Službene novine Kantona Sarajevo“, br. 2/23 i 46/23) planirana su sredstva na poziciji – 614 300 – Tekući transferi neprofitnim organizacijama – Podrška centrima za zdravo starenje, u iznosu od 40.000,00 KM.

Sredstva su raspoređena za rad devet centara za zdravo starenje na području četiri gradske općine, shodno broju korisnika u svakom centru. Općine na području grada Sarajeva uspostavile su centre za zdravo starenje u svrhu promocije zdravlja, poboljšanje kvaliteta života osoba treće životne dobi i njihove socijalne uključenosti u zajednicu.

PRIORITET 6.3. Zaštita marginaliziranih skupina u društvu

Mjera 6.3.2. Podrška projektima organizacija koje se bave socijalnom zaštitom

Mjera 6.3.4. Podrška radu sigurne kuće, radu roditeljske kuće djece oboljele od raka, ustanovama i institucijama djece bez roditeljskog staranja

Mjera 6.3.2. Podrška projektima organizacija koje se bave socijalnom zaštitom

Shodno Strategiji razvoja Grada Sarajeva 2021.-2027. godine, Grad Sarajevo se obavezao podržavati organizacije koje se bave socijalnom zaštitom.

U Budžetu Grada Sarajeva za 2023. godinu („Službene novine Kantona Sarajevo, br. 2/23 i 46/23) planirana su i realizirana sredstva za podršku projektima organizacija i udruženja usmjerenim na osiguranje socijalne sigurnosti građana i njihovih porodica koji su u stanju socijalne potrebe, odnosno stanju koje se ne može otkloniti bez pomoći drugog lica, kako slijedi:

Naziv Udruženja/JU	Iznos (KM)
Udruženje osoba oboljelih od celijakije „No Gluten“ KS	10.000,00
Udruženje oboljelih od Morbus Crohna i ulceroznog kolitisa u BiH	10.000,00
Udruženje za podršku porodicama s djecom i osobama s poteškoćama u razvoju „Colibri“	7.000,00
Savez distrofičara Federacije BiH	10.000,00
Udruženje za podršku ženama oboljelim i liječenim od karcinoma i ženama s ratnim traumama „kreArtivci“.	5.000,00
Udruženje osoba s multiple sklerozom Kantona Sarajevo	5.000,00
Udruženje „Zajedno smo jedno” – Podrška ženama oboljelim od raka	10.000,00
Udruženje „Zajedno smo jedno” – Pomoć za otvaranje prvog Centra za osnaživanje zdravlja žena u BiH i regiji – Think Pink Centra	10.000,00
Udruženje „Život s Down sidromom Federacije Bosne i Hercegovine“	7.000,00
Udruženje porodica djece i osoba s poteškoćama u razvoju „Dajte nam šansu”	7.000,00
Udruženje polioimyelitisa, povrede mozga i kičmene moždine KS	7.000,00
Udruženje osoba s cerebralnom paralizom KS	7.000,00
Savez udruženja osoba s cerebralnom paralizom FBiH	7.000,00
Udruženje za podršku djeci/osobama s teškoćama sluha i govora EHO	5.000,00
JU Zavod za zbrinjavanje mentalno invalidne djece i omladine Pazarić	20.000,00
Udruženje za podršku osobama s intelektualnim teškoćama na području KS „Oaza”	15.000,00
Udruženje za pomoć i edukaciju „ALDEN S.46“ – Finansiranje Dječje kuhinje	2.000,00
Udruženje „Renesansa” – Pomoć za obnovu prostora koje koristi Udruženje	10.000,00

Mjera 6.3.4. Podrška radu sigurne kuće, radu roditeljske kuće djece oboljele od raka, ustanovama i institucijama djece bez roditeljskog staranja

Podrška Roditeljskoj kući – Udruženje „Srce za djecu oboljelu od raka“

Na Međunarodni dan djece oboljele od raka, 15.02.2023. godine, potpisan je ugovor o realizaciji sredstava iz Budžeta Grada Sarajeva za 2023. godinu za projekat Roditeljska kuća.

Ugovor u iznosu od 20.000,00 KM potpisali su gradonačelnica grada Sarajeva i predsjednik Udruženja „Srce za djecu oboljelu od raka”, gospodin Fikret Kubat.

Udruženje Srce za djecu oboljelu od raka od 2003. godine radi s djecom i mladima oboljelim od raka. Kako je liječenje u većini slučajeva dugotrajno i materijalno iscrpljujuće, 2011. godine Udruženje je pokrenulo inicijativu prikupljanja sredstava za izgradnju Roditeljske kuće u krugu klinike na kojoj se djeca liječe – Hematoonkološkom odjeljenju Pedijatrijske klinike Jezero.

Kontinuiran boravak roditelja i bližih srodnika s bolesnim djetetom, u toplom, porodičnom okruženju, doprinosi bržem i sigurnijem izlječenju, kako psihičkom, tako i fizičkom.

Ovim projektom obuhvaćena su oboljela djeca i njihovi roditelji koji dolaze iz Federacije Bosne i Hercegovine, a dugotrajno se liječe i borave na Hematoonkološkom odjeljenju. Sam proces liječenja, koji je izuzetno težak i kompliciran, traje do godinu dana, dok proces održavanja traje i do pet godina.

U aprilu 2016. godine, Roditeljska kuća je i svečano otvorena, uz pomoć humanih ljudi i donatora iz cijelog svijeta. Kuća se sastoji od 10 apartmanskih jedinica, zajedničkog dnevnog boravka, kuhinje, multifunkcionalne sale, vešeraja, garaže i kancelarijskih prostorija Udruženja. Iako je Roditeljska kuća izgrađena, otvorena uz prosječan kapacitet popunjenosti od 70% na šestogodišnjem nivou, uz prosjek boravka porodice i do 33 dana, još uvijek nema riješeno pitanje sistemskog finansiranja, pa se većinom finansira iz jednokratnih grantova i donacija, te aktivnostima Udruženja. Grad Sarajevo kontinuirano pruža finansijsku podršku Roditeljskoj kući.

SOS Kinderdorf International – Predstavništvo u Sarajevu

Ugovor o realizaciji sredstva u iznosu od 32.000,00 KM iz Budžeta Grada Sarajeva za 2023. godinu, za finansiranje jedne porodične kuće u SOS Dječjem selu Sarajevo, odnosno jedne porodice, potpisan je 13.03.2023. godine.

Ugovor su potpisali gradonačelnica grada Sarajeva Benjamina Karić i nacionalni direktor SOS – KINDERDORF INTERNATIONAL gospodin Malik Garibija.

Grad Sarajevo tradicionalno pruža podršku radu organizacije SOS Dječja sela BiH koja brine o djeci i mladima koji su ostali bez roditeljskog staranja.

SOS Dječja sela BiH djeluju u BiH od 1994. godine i dio su [SOS Children's Villages International](#), internacionalne organizacija koja više od 70 godina djeluje u 136 zemalja širom svijeta, na svih 5 kontinenta.

SOS Dječja sela BiH pružaju jedinstven oblike brige za djecu bez roditeljskog staranja. Djeca zajedno sa SOS roditeljima, braćom i sestrama odrastaju u SOS porodici. Porodične veze razvijaju se na prirodan način, što znači da djevojčice i dječaci različite dobi žive zajedno kao braća i sestre, a biološka braća i sestre uvijek odrastaju u istoj SOS porodici.

SOS roditelj živi s djecom, pruža im emocionalnu sigurnost te mogućnost da razvijaju nove i trajne veze unutar SOS porodice. SOS roditelj je stručno osposobljen da vodi brigu o djeci, ali istovremeno saraduje s drugim uposlenicima kako bi zajedno zadovoljili sve razvojne potrebe djece. Prihvatiti dijete kao svoje i s njim zajednički živjeti nezaobilazan je, neophodan, ali ponekad i zahtjevan dio života u SOS Dječjem selu. Upravo zbog toga su SOS roditelji osnovna i najbitnija karika u brizi o djeci.

Gradsko vijeće Grada Sarajevo donijelo je Odluku o sticanju statusa udruženja od posebnog značaja za Grad Sarajevo za SOS – KINDERDORF INTERNATIONAL („Službene novine Kantona Sarajevo“, broj 31/22).

U cilju realizacije aktivnosti planiranih u Strategiji razvoja grada 2021.-2027., dio 6. grad čuvar, za marginalizirane skupine preduzeto je i sljedeće:

Gradonačelnica Grada Sarajeva raspisala je Konkurs za stipendiranje učenika srednjih škola iz Budžeta Grada Sarajeva za 2023. godinu. Stipendije Grada Sarajeva dodijeljene su za školsku

2022./2023. godinu, a sredstva za realizaciju su obezbijedena u Budžetu Grada Sarajeva za 2023. godinu. Visina mjesečne stipendije iznosi 100,00 KM po učeniku, za 9 mjeseci.

Fond za mobilnost mladih nije osnovan u formi Fonda, tako da se u narednoj godini planira javni poziv za podršku programima i projektima za podršku mladima gdje će mladi, odnosno omladinske organizacije dobiti podršku za projekte mobilnosti, ali i brojne druge .

Trenutno se realizira kampanja namijenjena mladima – Sarajevo kao buduća **Evropska prijestolnica mladih 2026**, a pri kojoj naporno radimo na promociji i unapređenju politika prema mladima. Ukoliko dobijemo navedenu titulu, Grad Sarajevo će značajnije utvrditi svoju poziciju grada mladosti koji čuva i štiti interese svojih mladih građana, te u narednim godinama predviđamo značajno unapređenje sadržaja za ovu populaciju, kao i izdvajanje većih sredstava u ove namjene.

Nastavili smo pružati finansijsku podršku kulturnim manifestacijama koje se održavaju za mlade na području Grada Sarajeva, poput Omladinskog filmskog festivala i mnogih drugih, a o kojima detaljnije informiramo Gradsko vijeće Grada Sarajeva dostavljanjem Informacije o implementaciji Plana djelovanja za mlade kvartalno.

Saradnja sa udruženjima penzionera – Finansijska sredstva u Budžetu Grada Sarajeva za 2023. godinu planirana su i realizirana za Udruženja penzionera sa četiri gradske općine (Stari Grad, Centar, Novo Sarajevo i Novi Grad) za finansiranje kupovine karata za pozorišta i kina. Cilj projektnih aktivnosti je bio povećati brigu o generacijama treće životne dobi u oblasti kulture. Ujedno, sufinansiran je prijevoz penzionera sa područja općine Stari Grad za izlet u Jajce.

Kontinuiranu podršku pružamo funkcioniranju i unapređenju bibliotečnog fonda Biblioteke za slijepa i slabovidna lica BiH.

Grad Sarajevo posebnu pažnju i senzibilitet ima prema sportskim udruženjima za osobe sa invaliditetom, te smo podržali aktivnosti Udruženja Plivački klub „SPID“, Udruženja Streljački klub osoba sa invaliditetom Novi Grad Sarajevo, Sportskog društva slijepih i slabovidnih KS, Udruženja „Streljački savez osoba sa invaliditetom FBiH“, Udruženja Odbojkaški klub invalida “Fantomi”, Udruženja „OAZA”, Atletskog saveza osoba sa invaliditetom FBiH te Udruženja Klub sjedeće odbojke „SPID”.

Kultura sjećanja – Dana 20.09.2023. godine obilježena je 28. godišnjica genocida nad Bošnjacima u Srebrenici, izvedbom performansa „Cvijet istine i nade“ na Trgu preko puta Vijećnice koja u konačnici predstavlja novi umjetnički doživljaj genocida. Cvijet istine i nade je javna manifestacija kroz koju su umjetnici različitih profila poslali poruku u svijet da „Cvijet“ ne gubi svoju ljepotu i poruku istine i nade.

Svjesni činjenice poraslog nasilja sa kojim se susrećemo u posljednje vrijeme (kao što je nemili događaj, tragično ubistvo u Gradačcu), pokrenut je čitav niz aktivnosti koje su imale cilj reći snažno „NE“ svakom obliku nasilja. Ovaj oblik podrške ocjenjen je kao izuzetno potreban iz razloga što je Sarajevo glavni grad Bosne i Hercegovine i što Sarajevo mora biti tačka otkuda se trebaju slati sve važne i snažne poruke.

Grad Sarajevo je u proteklom periodu izvršio izdvajanje značajnijih finansijskih sredstava koja su usmjerena sigurnim kućama koje rade i djeluju na području BiH.

Također, pored finansijske podrške, Grad Sarajevo je djelovao i prema nadležnim organima i institucijama na način da se traži hitno i neodložno pristupanje sistemskom rješavanju problema prisutnih u ovoj oblasti.